

國學叢書


黃嗣艾編著

正中書局印行

齊雷學案

廿四年十二月
何成濟題





有 究
所 必
權 印
版 翻

中華民國二十五年七月初版
中華民國三十六年十一月滙一版

南 雷 學 案

全二冊 定價國幣拾三元
(外埠酌加運費匯費)

編	譯	者	黃	嗣	艾
發	行	人	吳	秉	常
印	刷	所	正	中	書
發	行	所	正	中	書
局	局	局	局	局	局

(322)

葛(葛)(威)

序

夫汨作一篇。先民所以維國族也。洪範一篇。先民所以繹國學也。有周末造。族圯而學淪。猶夏之禍。啓自非類。建極之旨。散爲九流。遂板蕩不可坦平。桀亂不可綱領矣。斯乃孔子刪詩書定禮樂修春秋之用意乎。而尹氏之子不悅學。單伯曰。夫學猶殖也。不殖將落。罕虎欲使尹何爲邑。子產曰。未能操刀而使割之。其傷實多。然則從政者必無予聖之徒。語可確已。董江都初窺道原。獨以天人之密契。汲汲焉彌定一尊。輒謂正其誼不謀其利。明其道不計其功。厥後諸葛武侯生平。澹泊以明志。寧靜以致遠。顧相詫爲佐王之學。曷非儒效之要指哉。以是而言。在昔若無戰國。孟子必不曰仁義禮智曰性善曰正人心。若無五代遼金。程張朱陸必不揭精一執中。居敬持靜。民胞物與之說。且彷彿春秋作通鑑綱目。而坐致一世之笑。我迂闊也。蓋強者逼處。弱者潛伏。失別生分類之規。絕五事三德之教。當是時。餘胤子遺。尙能有土姓乎。謂他人父。謂他人母。縱極其螟蛉穀似。羣飛刺天。偶一自反。適唯傷悲茂草耳。彼三陵。照得一當以報漢。王猛見苻堅曰。天命所在。慎勿伐晉。同是降人也。竟與劉豫張邦昌洪承疇吳三桂等異其心。此無他。學古入官。性未盡泯而已。惟皇建極。降衷於下民。若有恆性。克綏厥猷。大凡血氣

之倫。性皆專賦之者。理也。仁也不忍也。其殊名也。感之則爲四端。率之則爲道。上而致之。則人徹天下。而致之。則人同禽。惻隱羞惡是非辭讓。人之性也。觸鬪忿婪。禽之性也。今突就稠衆而訶之曰。汝非人也。禽也。衆必斃怒。禽固不可爲也。乃咸求償於一念之奢。甚且侮常敗度。殞家凶國。卒恥與飛動爲伍。何居小見而大蔽。可不哀乎。陽明之學興。日警國人曰。致良知。務一世之流連荒亡。仍復我孩提之興趣。止定至善。愛由親始。蕺山申之以慎獨。相引於意動之微。南雷則教學者必讀六經。藉之薰陶而涵育。嗟乎。打開血路。再勉爲人。信夫無程張朱陸。則無孔孟。無陽明。則無程張朱陸。無蕺山。則無陽明。無南雷。則無蕺山。功胥不在禹下哉。雖然。貞元之在世運。固不爲一剝而全消。要之如董葛諸賢。何代蔑有。每矧際龍戰玄黃之局。卽天籟鼓盪。頓變死聲。間留巖穴耆儒。抱闕守殘。冀延一綫。又巧令薪傳有待。必若而人起。方可迴一世之風俗而補救之。故汨作篇焚。堯典有親睦平和之節取。洪範篇晦。周易有貞悔吉吝之參推。可以知洙泗間之述而不作矣。比者。侃每感國族之不競。國學之式微。斗室書空。祇殉醉飽。老友黃績宣薄游金陵。忻見其南雷學案之輯錄。以家乘楹書爲底本。甫寫定。屬爲之序。因尋思先民之創業。歷數千百年。猶能悠久光大者。端賴有迭出之人豪。黃君去南雷七世。今迄不墜其學。更力著之於否塞屯膏之日。而澤亦云遠矣。法無不變。道不可變。國無學則羣以殆。向道之路盡。棟

斯得疑孔子人存政舉人亡政息兩語耶。詩有之。風雨如晦。雞鳴不已。是編也。尤可爲汨作洪範之嗣響。而甚於予懷有當焉。其庶乎投袂並起哉。乙亥八月。蘄春黃侃。

序

自有明中葉。吾郡耿恭簡創立學案。以發明儒賢學的。厥後講學家踵之。開一修明絕學之門庭。循仿而益精。其綜貫之嚴範。雖有斷以朝。限以地。主以一人之不同。卽其體例。亦有行以表譜。最其言行。佚事之異。要其揭師儒學力之變遷。示人以尋塗之要。意一而已。黃子績宣。祖貫餘姚。與南雷先生均爲竹橋黃氏。自六世分支。而其祖鶴山府君。生平最服膺南雷之學。其令祖海華兵備。數詣浙東。拜掃先塋。所得族中文獻之留遺。家牒家集。多外間所未見。而南雷之系。族掌尤詳。以互校平日讀先生遺書所得。日積而月新。比歲展轉兵間。不忘故業。媮暇屬草。卷帙裒然。於是有南雷學案九卷之寫定。推績宣之意。蓋以陸沉身世。雅近宗獻。而比來人禽吞噬之流。偏發端匪一。要其大原。率由學術失據而來。身雖淪陷。無可號呼。而我先民拯溺救焚之術具在。取其術而昭明之。拯一已而兼救他人。卽襲南雷最括儒賢宗派之體。表著南雷畢世心力之所注。在黃子爲之。方擁篲清道。以企望塵躅。在他人讀之。當如飢得飽。如暗室之得三光。爲之者概已信其所親讀之者。要當行其所服。茲書如是。爲不苟作矣。憶丙寅秋。與黃子同教國學館諸生。黃子又分其餘力。以主官書局。出佳槧於塵封蠹蝕之餘。掬示學

者。每得異本。必與勘校。品隲有所心賞。輒爲題其端。忽以兵亂。捲堂而散。比者蹤迹復合。以茲編爲相見之贄。令我洒然忘遲暮之百憂。自揣龔陋。於先生之高深未窺百一。而吾儕亂後互證進修之雅。不可虛也。故於其屬序也。書此以歸之。戊辰冬十月。羅田王葆心。

序

從來人禽之別。每萌於意之造端。而先之以格物。繼之以致知。則庶乎止以一誠。得自養其所受之中。精也可以率性知天。粗也可以修道俟命。故不幸而身爲孤孽。終能達焉。此所以羣動蠕蠕而尙知有爲人之可貴者也。大學篇揭言格物致知誠意正心修身齊家治國平天下。而意心身三者。且爲之本。意又爲心身之本。感而後動。格物致知。意之所由起。應而後用。正心修身。意之所由發。至所謂齊家治國平天下。效之極而已。第心意間固不容髮。當其知至。則其所止也。正意乃具其萬有之境。而心亟流露之以周乎一身。將無往而或失其軌度。又必防造端之虛妄。揉雜。遂肆其方寸。幾至於莫可究詰。故言意卽言誠意。言心卽言正心。大學之釋之也。曰。毋自欺。南雷先生之釋心與意也。曰。意爲心之所存。非所發。釋已發與未發也。曰。不以前後際言。以表裏對待言。噫。斯豈非深切著明哉。使若而人焉。昧乎物情而茫乎止境。萬念紛騰乎俄頃。四端汨沒乎隱微。小則足以殺其身。大則足以亂天下。固無問夫在勢行權否也。固亦無問夫講學號召否也。雕虎而翼。蒼鷹而拳。胥恐於焉以之。矧曰適一朋從。吞噓之局。歟。南雷先生。國破家亡。身餘九死。乃親承其師說。沾沾立教。曰。慎獨。曰。實踐。曰。博聞。蓋博聞者。

格物致知也。實踐者修身也。慎獨者誠意正心也。既明其所知，更明其所止，繼明其所起，終明其所施。顧環列於外者，極彼譁張而我寂然存養於心意間，一掬致中之靈體，素富貴則行乎富貴，素貧賤則行乎貧賤，素夷狄則行乎夷狄，素患難則行乎患難。上帝之昭昭臨汝，又何憂何懼之遑云耶？夫南雷先生之教人也，固南雷先生之體驗有獲處也。洞察於理，欲消長之故，直以爲人禽嬾變之樞機。理盛則人欲盛，則禽判之於意造而已矣。誠與不誠而已矣。彼空疏之儒，至詆之以攬金銀銅鐵爲一器，重張姚江心學之餘幟者，其能並大學之止定誠明之說而抹煞之乎？嗣艾志學云：遲躬膺世亂，竊懼夫羣動蠕蠕，明從吞噬之未已，而意爲物蔽，造端皆妄。遂以兵興道梗之年，姑寄食於長沙，靜展遺書，冀自警策。因彙錄爲南雷學案，尋源索本，家有餘師焉。噫！玉改鼎淪，何代蔑有率天下而爲禽，殆生民以來未之有也。果何以養除蹠抗哉！然則後死者之責，其鉅也哉！丁卯十月，嗣艾謹序。

例言

一 南雷公承劉忠正公之傳。近則闡發王文成公學說。遠則貫合漢宋諸儒之旨要。着手慎獨兩字。而上紹孔門。道在六經。所謂有體有用之學也。言性字即是不忍。亦即人有人性。不與物性渾同也。大概程子性卽理也一語。與之差近。務期人人反身而誠。直尋良知。當下可覓作聖路徑。切莫把道字視做性字看。又認定於意之未發。別有個存養工夫。故讀是編者。須先參透乎此。

一 國族爭自存立。必有相傳之性。必又有種種忠貞往事。以奮興之。且加以涵養。使皆能讀書明理。乃可觀其效也。是編因將南雷公之爲孤子。爲黨人。爲游俠。以及從亡蒙難守貞一切言行。與夫友朋之呼號奔走。共圖恢復。矢誓殉義。舍命不渝。或白刃峨峨。前仆後繼。皆分繫以傳。而互資觀感焉。斯固爲國族之精氣矣。

一 身已再仕而別有權謀。事出披緝而初衷未改。且當日行事其蛛絲馬跡。尙可稽考。如張秀初。方密之。熊魚山。汪沐日。錢牧齋。朱綿之。侯朝宗諸公。生平皆與南雷公患難與共。道義相勉者。仍列之。

一 南雷公交游廣博，是編一以家藏南雷公筆記思舊錄，主一公所輯龍虎草堂弟子記鄭南谿全謝山所記載，及南雷公詩文中涉及者爲限，別參以明季各私家著述，江浙省府縣志，明史稿等書，僅得此數，弗敢爲根據茫然之採集也。

一 酌仿東莞學案及南雷公之宋元明學案中一家一人體例，僭附己見，并略視馬班敘錄祖德之意義，分爲九卷。凡八類。曰家學。曰師承。曰先正。曰同調。曰及門。曰私淑。曰尊聞。曰本傳。隸分表列。藉明授受。又總作年表繫之。以南雷公生卒年月爲之綱。雖當時紀元參差，務便令讀是編者，尙友知人，比事論世，檢表勘之。良云易。

一 先賢恢復之際，有極爲慘淡之經營，民間會社，巧被色目，幽壑蕭寺，酒帘茗椀，九流百技，下而厮養，晨挂其估帆，暮喂其官驛，在在皆可以徹聲息，移標準，直若兔脫而鷹瞰，鬼神亦莫之能測焉。故鄭成功賄賂結峽中十三家，使擾秦黔湖廣，以殺虜勢，萬履安西行，與顧亭林定策，闢晉財源，闕荆南北，類似者幾難枚舉，皆散存各傳中，以供讀者。

一 先賢逸事，南雷公論學論文，又先賢之絕命詞，感時吟咏，其所採錄者，不拘一書，或敬得之庭訓，一一隨載各傳後，務從翔實，至若悠悠塗說，背馳是非之處，則亦必引證平斷，以表白沈冤耳。

南雷公生平著述，多至七十七種，而流傳之刊本，則僅居其十之四。且家藏數經兵燹，子姓分離，掇拾殘叢，慮有未周，讀者諒之。

是編初稿，寫於丁卯冬，避居長沙時。去冬金陵薄游，靳春方子樵監使見而獎許，並出其庋藏，館居參閱，遂再寫定。命學生王凌雲、周學根及兒子嘉柔校之。知魯魚亥豕，未能免也。適浞水聞君亦有勸予初版，即付印行。天若假之以年，增修有待。姑懾於世變日棘，冀早荷救國同志，多識前修言行，固又予之厚望已。

乙亥十月嗣艾再識

黎錕先先生小像



七世孫炳屋敬摹

初錮之為黨人繼指之為游俠
終創之於儒林其為人也蓋三
變而至今豈其時為之耶

抑夫人之有遐心 自題

年表

<p>明 神宗顯皇帝 曆</p>	<p>三八 三九 四〇 四一 四二 四三 四四 四五 四六</p>	<p>金天聰後 改號清</p>	<p>南雷公年歲</p>
<p>三 二</p>	<p>天命汗天命元</p>	<p>八月八日戌時 南雷公生</p>	<p>庚戌</p>
<p>一</p>	<p>三</p>	<p>二</p>	<p>辛亥</p>
<p>〇</p>	<p>二</p>	<p>三</p>	<p>壬子</p>
<p>四</p>	<p>一</p>	<p>四</p>	<p>癸丑</p>
<p>五</p>	<p>〇</p>	<p>五</p>	<p>甲寅</p>
<p>六</p>	<p>一</p>	<p>六</p>	<p>乙卯</p>
<p>七</p>	<p>二</p>	<p>七</p>	<p>丙辰</p>
<p>八</p>	<p>三</p>	<p>八</p>	<p>丁巳</p>
<p>九</p>	<p>四</p>	<p>九</p>	<p>戊午</p>

年表

光宗貞皇帝
泰昌
熹宗慈皇帝

崇禎
思宗烈皇帝

四七
四八
元元
二
三
四
五
六
七
元
二
三

四
五
六
七
八
九
一〇
一一
元
二
三
四

天聰汗天聰

一〇
一一
一二
一三
一四
一五
一六
一七
一八
一九
二〇
二一
二二

己未
庚申
辛酉
壬戌
癸亥
甲子
乙丑
丙寅
丁卯
戊辰
己巳
庚午

年

次

一五	一四	一三	一二	一一	一〇	九	八	七	六	五	四
七	六	五	四	三	二	崇德元	九	八	七	六	五
三三	三二	三一	三〇	二九	二八	二七	二六	二五	二四	二三	二二
壬午	辛巳	庚辰	己卯	戊寅	丁丑	丙子	乙亥	甲戌	癸酉	壬申	辛未